

定远厅志

一
函六册

定远厅志

知府

PDG

定遠廳志卷二十四

五行志

自伏勝作五行傳董仲舒以五行災異言春秋漢書因作五行志馬氏通考易其名曰物異鄭氏通志則曰災祥今志祥異而仍五行之名猶古訓也尙書考靈曜曰春政不失五穀孳夏政不失甘雨時季夏政不失地無蓄秋政不失人民昌冬政不失少疾喪五政不失百穀稚熟日月光明顧安得六字之內協氣旁流有祥而無異哉廳災祥可考者

明太祖洪武四年旱大饑

憲宗成化六年八月大水

神宗萬曆十六年秋大水四十一年又大水

熹宗天啟元年八月大巴山有虎生角

莊烈帝崇禎六年大水

十年大饑道殣相望

居民採樹葉草根食之幾盡

十一年夏蝗食苗

十二年有雄雞四翼四足

十五年秋有瓜大如固

十六年水凍居民見赤龍上天

國朝順治四年大水饑

暴雨兩晝夜河水漂沒田禾大饑

六年雨雹

二麥無收大饑

十年地震

十一年五月初八日夜地震

搖拽如蕩舟屋瓦飛落墻垣傾塌次日復動累月不息

十二年三月黑霜隕殺麥大饑

康熙元年六月大雨六十日

二年大水又雷雨大風拔木

五年三月大風揚沙蔽日

四月雨冰雹大傷禾稼

六七月

牛瘟盡死

八年彗星見光芒大如斗

八月十五日雨雹

十年無禾

十八年霖雨四十日如傾盆者一日夜大水漂沒田廬

二十年十一月初四日酉時西方白氣亘天如足練至十二月十五日乃滅

二十一年楮河民鄭姓家騾生駒

二十五年閏四月初大風拔木雨雹大如雞卵

二十七年大水雷雹風雨如注河水暴漲木拔連根蔽河而下橋梁盡圯

四十二年遍地生五色鼠

五十七年五月二十一日辰時地震

嘉慶十九年大旱

二十一年大雨雹蟲鳥多斃

道光二年大水簡池壩尤甚

三年七月地震

拴馬嶺西坡房屋多傾圮

四年大水

五塊石山崩壞市廛民屋

六年四月二十一日大水

壞山沙坡蠟溪溝等處田廬居民亦多淹斃

十年飛蝗入境

十一年冬城市雪深尺餘

十二年六月霪雨月餘

夏寒秋無穫民多餓莩狼噬人

十三年夏復霪雨大饑

漁渡壩民園中地陷十餘丈

十四年秋大熟

十五年霪雨

漁渡壩母猪碕溝山崩

十六年蝗生

同知謝長年親歷四鄉督捕幸不成災

十八年秋螽食稻

二十二年正月三十日雨雹鳴雷秋蝗傷稼

二十三年蝗復生

二十九年八月十四日雨雪

三十年秋大有年

咸豐元年除夕雷鳴

三年大水

六年大市川李姓馬一產三駒

八年大水壞民田廬

大池堡袁家溝山崩民幸無傷

十年七月初七夜西方星隕如雨

十一年七月初旬彗星見

白光炯然頭銳尾寬自西北直射東南月餘始沒

是年漁渡

壩苞穀根節生菌如花瓣

同治元年五月

藍逆大順竄境陷城尋收復

九月

曹逆培世復竄境團勇擊退之

二年正月初十日雷鳴大雨雪

三年大市川柯姓馬一產二騾

六年八月十六日大水

石虎壩尤甚

八年麻池堡李姓家產雙頭豕

光緒二年鹽場民薛姓妻一產三男

二存一天

三年夏旱大饑

時燕豫晉秦隴蜀均旱赤地數千里斗米十千無糴廳境平原無獲僅高山稍收勢已不支兼

以外來饑民交訐人心洶洶適同知余修鳳蒞任察廳治無巨富諭飭各團保上申戶量力輸捐得錢四千串有奇糧二千餘

石各賑各團先將極貧次貧戶口查明造冊由團保稟多益寡
按名計日給賑或錢或糧至出新爲止另於邊隘處攔濟外來
餓者毋使入境以安反側計活內地極貧饑民二千數百口次
貧六千餘名外來無算賞給各地捐戶紅綾匾數十道額曰急
公好義並捐廉於廳城設粥廠賑活殘廢孤貧六百有餘冬偏溪河桃李華竹生筍胡桃再
實

四年秋有年

五年五月十二日寅刻地震天礮鳴

民屋塵埃飛落門牕撼格有聲池水簸蕩是日如輕

舟搖拽者四次二十三日卯正又微動民幸無災

謹按豐凶水旱皆天所爲惟蛟水爲災則固可以人力

制也月令季夏之月命漁師伐蛟桂林陳文恭公曾著

伐蛟說其畧云蛟似蛇而四足細頸頸有白癭本龍屬

也其孕而成形率在陵谷間乃雉與蛇當春而交精淪於地聞雷聲則入地成卵漸次下達於泉積數十年氣候已足卵大於輪其地冬雪不存夏苗不長鳥雀不集土色赤有氣朝黃而暮黑星夜視之黑氣上冲於霄卵既成形聞雷聲自泉間漸起而上其地之色與氣亦漸顯而明未起三月前遠聞似秋蟬鳴悶在手中或如醉人聲此時蛟能動不能飛可以掘得及漸上距地面三尺許聲響漸大不過數日候雷雨卽出出多在夏末秋初善識者先於冬雪時視其地圍圓不存雪又素無草木復於未起二三月春夏之交觀地之色與氣掘至三

五尺其卵卽得大如二斛甕預以不潔之物或鐵與犬
血鎮之多備利刃剖之其害遂絕又蛟畏金鼓及火山
申久雨夜立高竿掛一燈可以辟蛟夏月田間作金鼓
聲以督農則蛟不起卽起而作波但疊鼓鳴鉦多發火
光以拒之水勢必退又一法用鐵與犬血及婦人不潔
之衣埋其地以鎮之蓋蛟非龍引不起龍非雷震不行
鐵與穢物所以制之也陳公之說見經世文編謝志亦
錄周梟使人驥除蛟害示與陳說相符定遠自明至今
書大水十有三半由出蛟爲厲道光三四等年受害尤
酷夫蛟之情狀既有土色可辨雪跡可尋光氣可矚聲

音可聽又有鎮壓之具驅伐之方如是則蛟雖暴不難除矣而受害顧若彼者田夫野老知而不能言文人學士又無暇及此司牧者更無論矣一旦橫流猝發災及人畜田廬貽害可勝道哉甚望有心者轉相傳布俾人屬耳目注精神先時偵察臨事防維尤在山居者於冬雪時加意查勘庶幾大害可除民生攸賴耳

定遠廳志卷二十五

藝文志一文

蠲修石城碑記

同知 嚴如煜

癸亥春經畧額侯戡定三省會秦中大吏議以西鄉南山犬牙川境地方遼濶當有以綏靖之奏割西南二十四地設定遠廳撫民同知擢煜綰廳符十月奉檄來治途次謁侯請治所先侯曰定遠新造固圉保民城垣爲亟圖煜祇承弗敢怠先是六年漁渡營都司張君因營址築土城三百丈廳城之基則就兵城西北加擴一百六十丈定土性不堅遇秋霖頻坍塌補葺者瘁焉煜察廳西里許山石堅便廼鳩工琢石於新城內外用礮石

夾砦海漫覆以瓴甃女牆垛口均用磚甃城根厚尋有四高丈
有五垛牆增崇爲咫者六北西南各建城樓一北面當敵處砌
炮臺二舊城則外輦巨石垛口亦爲易磚俾一律輦固經始於
癸亥仲冬至甲子夏落成費金五千有奇燬解橐以應不敢糜
帑亦不忍爲民累是役也舊城土牆實賴張君締造而司獄錢
君奔範冲冒雨雪朝夕督工所與在官服役者其勞均不可泯
爰鐫石而銘之銘曰

維清受命奔葉重光蠢爾狂且兵弄于潢皇赫斯怒鉞授元良
桓桓額侯天討肅將德侯翼之八陣箕張我戰則克所向莫當
鯨鯢旣戮炎止崑岡拯民水火繫以苞桑大巴山麓仲昇之邦

崇巒窮劣古木幽篁其險可阻瘠于雍梁何以奠之有業其防
侯諮台省作邑南鄉秩之司馬符分巖疆嗟茲邊隅久窟豺狼
蕭條官舍落落村莊星朗于雷鹿宿在房民靡甯宇我懷斯愴
易占設險爰相陰陽築城惟翰僉謀曰臧厥土塗泥有石青蒼
涉澗登巘伐茲堅剛築之橐橐追之鏜鏜羣工偕奮夙夜弗遑
清溪之滸槐花甫黃有蟠者螭如翬之翔我城經始五土斯詳
山深棲雨式虞覆隍詎山之隩獲此琳琅千尋斑磊翼然西荒
天不愛寶惟聖人之祥民有定居惟皇猷之昌吭扼背拊伏莽
罔藏廼營廬舍廼集市場昔無人跡今來穰穰農力於隴土絃
於庠嗟此離於空谷誰信邁此平康惟侯碩畫貽爾福長億萬

定遠縣志 卷二 五
斯年視茲金湯

漁渡壩當陽寺碑記

旗人 載豫

漁渡壩北距定遠廳九十里南距太平縣一百二十里古爲南鄉縣治當秦蜀之交實負販往來要道承平時人烟輳集居然巨鎮舊有漢壽亭侯祠旁祀水火土穀之神不知創自何年而民之祈焉報焉須於是乎在嘉慶丙辰春楚匪齊王氏姚之富等倡亂於楚襄蔓延興漢荼毒川東北漁渡壩適當其衝屢遭蹂躪民居蕩析神廟毀殘經畧額侯奉命總干所向克捷七年轉戰四省奠安壬戌冬奏報歲功於定遠之大洋壩復督搜餘孽癸亥秋肅清遂凱撤於漁渡壩就地分兵設汛俾民得資捍